

نومرو : ۷۰


اداره خانه

ایستانبول ، جفال اوغلنده

دائرة اجتهاد

Idjtihad Constantinople

دوردنجی سنه



حریت فکریه یه خادم

نجشبنه کونلری چیقار اجتماعی، ادبی مجموعه

مدیر مرخص : الرهای صفا

۴ تموز ۱۳۲۹

آبونه

سنه لك آلتی آیلق

تورکیا ایچین ۴۰۰ غروش ۲۵ غروش

ممالک اجنبیه ایچین ۱۰ فرانق ۶ فرانق

نسخه سی ۵۰ یاره

طر بزوند فابریقالر

طر بزوند اهمیتلی اولاراق بیرده بز فابریقاسی وارد. مختلط بیر شرکت طرفدن تأسیس ایدیلشدر . فقط مترزلدر .

روملرک غایت منتظم فابریقالری وارد. طر بزوند فابریقا و دستکاهلرک عددی ۲۵ در ۱۰ دانه دکرمن وارد. بونلرک ۲ سی صوک سیستمده در .

دیگر مؤسات و وثائق

طر بزوند قصبه سی ۷۰۸۵ خانہ یی ۳۶ محله یی ۳۳ کوی ۳۴۹۹ کوی خانہ سی ۱۸۶۹۱ کوی نفوسی ۶۰ عدد خان و اوتہ لی ۱۱۲۰ مغازه یی ۱۱۵۹ دکانی ۶ مطبعہ یی ۸ مدرسه یی ۲۸ مکتبی ۲ کتبخانہ یی ۴۸ جامعی ۳۸ کلیسای ۸ قره قولی محتوی در .

طر بزوند نفوسی

طر بزوند سنجاغنگ نفوسی شوصورتله اتقسام ایدیور:

اسلام ذ کور	۲۸۹,۷۵۲
روم	۴۹,۶۶۹
ارمنی	۱۰,۵۱۶
ارمنی قاتولیک	۴۱۰
پروستان	۵۷۵

۳۵۰,۷۲۲ یگون ذ کور

۳۳۸,۶۱۹ اناث

طر بزوند شهرینک مساحه سی

طر بزوند شهری ۳۲ کیلو متره لک بر ساحه اشغال

ایدر.

صو مسئله سی

یا قین زمانلره قادار طر بزوند صوسزلقدن مضطرب ایمش . اخیراً (زولمرا) صوی، نملی زاده حاجی احمد وحاجی محمود بکلرک ۱۰,۰۰۰ لیرایه بالغ اولان بر همت نقدیه لریله شهره اساله اولونمش و (تر قوس) اصولی اوزره عمومی چشمه لره توزیع اولونمشدر. بوصو ۲۵ سانتیمتره

قطنرنده بیر ستون مائی تشکیل ایتکده در .

طر بزوند حکومت قوناغنده

حکومت قوناغنگ پریشانلغی و خرابیتی حقدہ بیر فکر ویره بیلیمک دن عاجزم . کندمی آناتولی نك مراد رابعك بغداد سیاحتی زمانندن بری متروک و خراب بیر خاننده بولونیورم ظن ایتدم . والی نك مقام عالیسنه ، طار ودوشمه تخته لری ملوث و مضحکل بر قوریدوردن کچهرک و بر باد اخشاب بیر مردیون چیقاراق واصل اولدم . قوریدورک طاوانی سیم سیاه واکثر پارچه لری دوشمه یه مهیا تخته لرندن قیرق الی سنه لک اوروجک آغلری صالانیور . بونی کورونجه بوده می تخصیصات ایستر بوده می مرکزیتک قباحتی ، بوده می عدم مرکزیت اداریه نك بولونما سندن ؛ دیه کندمی کندیمه سویلندم . والی نك او طه سنده کی صندالیه لک یایلری قیریش ، قطیفه لری پارچالانش ایدی . دوستم اولان والیه بر آز ستم ایتدم . اون پاره صرف ایده مه یز ، دیدی . بیر آم چکدم ، صوصدم . و بو آهه هیئتلی بیر مال درج ایتدم .

عبداللہ ہررت

أسکی ساعت

(ابدیاً — اصلاً !)

— امر بقامشاهیر شعراسندن (لونخ فلو) نك بر منظومه یی کویک باشلیجه سواقغنگ براز کریسنده أسکی اصولده یاپیش کوی اوی واردرکه : قدیم ، کمرلی قاپوسنک اؤکنه ایکی طرفنده کی اوزون قواق اغاجلری کولکلرینی آتارلار .

و ، بو اؤک اولوسندن قدیم ساعت هر کسه دیرکه :

« ابدیاً — اصلاً !

اصلاً — ابدیاً ! »



بوساعت ، آلوده قارشیمزه کلن مردیونه نك یاریسنده کیم بیلیر ، نه زمان ، آصیلدینی کبی دورور و ، سیاه میشه دن محفظه سی ایچنده — جبه سنک آلتنده قوللری

بیلیر نهلر خیال ایدهرک دولاشمشلردی. آه، ای قیمتدار
ساعتلر، آه، ای شباب زرین، که: عشق وزمانک سخاوتیه
دولوسک! لکن بوساعت مسعودهده بیله گویا برخسیس
آلتنی صایار کبی بو قدیم ساعت سویلنیر دوروردی:

« ابدیاً — اصلاً ! »

« اصلاً — ابدیاً »



أوت، ایشته بو اوطهدهن دوکون کیجهسنده سراپا
بیاضلر کینمش اولان کلین چیقدی. ایشته، شوشیمدی
آشاغیده سکونتله دولو اوطهده بر زمان قارکبی کفنه
بورونمش اولو یاتیوردی. وصوک دعای تعقیب ایدن
سکونت ایچنده مردیوهه نکل اوزرنده کی اسکی ساعت
ایشیدیلدی:

« ابدیاً — اصلاً ! »

« اصلاً — ابدیاً ! »



شیمدی هپسی پریشان، هپسی غائب اولدی؛ کیمی
أولندی، کیمی اولدی! بن، قلم اضطراب ضربه لرله
وورده رق « آه، بوتون بونلر نه زمان بردها قاووشه جقلم!»
دیدیکم زمان کچوب کیتمش اولان کونلرده کی کبی اسکی
ساعت جواب ویریر:

« ابدیاً — اصلاً ! »

« اصلاً — ابدیاً ! »



بوراده جهانده اصلاً واوراده ابدیاً! اوراده که:
بوتون آیریلق، اضطراب، اندیشه، اولوم وزمان یوق
اوله جق! اوراده ابدیاً لکن بوراده اصلاً! وقتنای ابدیت
لایق قطع بزه بونی سویله یور:

« ابدیاً — اصلاً ! »

« اصلاً — ابدیاً ! »

۳۲۸ مایس ۳۲۹، کوز تپه

ساله سوت سبفی

ایله خاچ چیقاروب « هیهات ! » دین برپاس کبی
بوتون کچنلره صدای مکدریه دیر که:

« ابدیاً — اصلاً ! »

« اصلاً — ابدیاً ! »



کوندوزلری بوساعتک سسی پست وخفیفدر؛
لکن، کیجه نکل اولوم سکونتده یقیندن کچن بر آفاق
سسی کبی بوش اولوده، ساکت طوانلر وصامت
دوشمه لر اوزرنده عکس انداز اولور، وهراوطه نکل
قبوسنده شویله دیور کبی کورونور:

« ابدیاً — اصلاً ! »

« اصلاً — ابدیاً ! »



کدر کونلرنده، وسوینج کونلرنده، اولوم کونلرنده
وتولده کونلرنده وادوارک بوتون انقلاباتنده اصلاً
دکشمه یهرک اوقالیدی وکویا الله کبی هرشیئی کوریرکن
کال سکینتله بوخسیت بخش کلمه لر تکرار ایدردی:

« ابدیاً — اصلاً ! »

« اصلاً — ابدیاً ! »



بوأوده جوانمردجه مسافر پرورلک عادت اولمشدی؛
بو یوک آشلی اوجاغنک باجالرندن یوقاری یه اوغولدا یوب
چیقاردی، و، بر چوق یایانچی سیاح آنک ماصه سنده
یمک یهدی.

لکن « ضیافتده کی اسکلت » [*] کبی بو خبر ویریمی
ساعت اصلاً سسنی کسمه مشدی:

« ابدیاً — اصلاً ! »

« اصلاً — ابدیاً ! »



ایشته، شوراده بر چوق شاطر چوجقلم اوینامش
وایشه، بوراده، کنج ارککلر، وبا کر قیزلر کیم
[*] اسکی مصریلر ضیافتلرنده ماسکلی، یاخود مستور بر
اسکلت یولنیر برلردی.